



Broj:

Sarajevo: 28.07.2010. godine



Predsjedavajućem
PREDSTAVNIČKOG DOMA
PARLAMENTARNE SKUPŠTINE BiH
n/r gospodinu Niki Lozančiću

PREDMET: Prijedlog zakona o dopuni Zakona o porezu na dodatu vrijednost

Na osnovu člana 99. i 100. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj: 33/06, 41/06, 81/06, 91/06, 91/07 i 87/09), podnosim Prijedlog zakona o dopuni Zakona o porezu na dodatu vrijednost.

Predlažemo da se Prijedlog zakona razmatra u skladu sa osnovnim zakonodavnim postupkom.

U prilogu Vam dostavljamo tekst Prijedloga zakona sa obrazloženjem na bosanskom jeziku, odredbe Zakona koja se dopunjava, te elektronsku verziju Prijedloga zakona.

S poštovanjem,

Poslanik u Predstavničkom domu

Sadik Bahtić

Na osnovu člana IV.4.a) Ustava Bosne i Hercegovine, Parlamentarna skupština Bosne i Hercegovine, na __ sjednici Predstavničkog doma održanoj __.2010. godine i __. sjednici Doma naroda, održanoj __.2010. godine, usvojila je

**ZAKON DOPUNI ZAKONA
O POREZU NA DODATU VRIJEDNOST**

Član 1.

U Zakonu o porezu na dodatu vrijednost („Službeni glasnik BiH“, broj 9/05, 35/05 i 100/08) iza člana 23. (Standardna stopa), dodaje se novi član „23a. (Posebna stopa)“, koji glasi:

„Član 23a.

(Posebna stopa)

Po posebnoj stopi PDV-a od 5% oporezuje se promet ili uvoz knjiga.“

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“, a primjenjivat će se od 01.01.2011. godine.

PSBiH, broj _____/_____

Sarajevo

Predsjedavajući
Predstavničkog doma
Parlamentarne skupštine BiH
Niko Lozančić

Predsjedavajuća
Doma naroda
Parlamentarne skupštine BiH
Dušanka Majkić

OBRAZLOŽENJE

I USTAVNI OSNOV

Ustavni osnov za donošenje Zakona o porezu na dodatu vrijednost sadržan je u odredbi člana III 1.e) Ustava Bosne i Hercegovine, u skladu s kojim u nadležnost institucija Bosne i Hercegovine spada i : „*Finansiranje institucija i međunarodnih obaveza BiH*“, članna IV 4. a) Ustava Bosne i Hercegovine, u skladu s kojim je Parlamentarne skupština Bosne i Hercegovine nadležna za „*Donošenje zakona potrebnih za provedbu odluka Predsjedništva ili za izvršavanje nadležnosti Skupštine po ovom ustavu*“.

II RAZLOZI ZA DONOŠENJE

Prijedlog zakona o dopuni Zakona o porezu na dodatu vrijednost odnosi se na potrebu da se podstaknu društveni odgovori za smanjenje nepismenosti, podsticaj razvoja nauke, znanja, kulture, te cjelokupnog razvoja zemlje.

Izmjena stope poreza ima dokazan utjecaj na prodaju knjiga, a tržište knjiga se širi u mjeri u kojoj je PDV smanjen. Svaka zemlja ima strateški interes za promoviranje izdavačke djelatnosti zbog obrazovnih, privrednih i, naravno, kulturoloških razloga.

Izmjena stope PDV-a za knjige je neophodna, jer oporezivanjem knjiga oporezuje se pismenost, čitanje, učenje, nauka i znanje, te kutura, čime se smanjuju mogućnosti socijalnog i ekonomskog razvoja cijele države.

III FINANSIJSKA SREDSTVA ZA PROVOĐENJE PROPISA

Za provođenje ovog zakona nisu potrebna dodatna finansijska sredstva.

VIII - PORESKA STOPA

Član 23.

Standardna stopa

Standardna stopa PDV-a na oporezivi promet dobara i usluga i uvoz dobara u Bosnu i Hercegovinu iznosi 17%.

IX - OSLOBAĐANJA OD PLAĆANJA PDV-A

Član 24.

Djelatnosti u javnom interesu

Sljedeće se oslobađa od plaćanja PDV-a:

1. javne poštanske usluge, osim telekomunikacionih usluga;
2. medicinske usluge i usluge zdravstvene zaštite, uključujući davanje ljudskih organa, krvi i mlijeka, koje se vrše u skladu sa zakonom kojim se regulira oblast zdravstvene zaštite, te usluge koje pružaju stomatolozi, zubotehničari i protetičari;
3. usluge socijalnog osiguranja, kao i s njima neposredno povezani promet dobara, pod uslovom da se vrše u skladu s propisima kojima je regulirana oblast socijalnog osiguranja;
4. usluge obrazovanja (predškolsko, osnovno, srednje, više i visoko), kao i s njima neposredno povezani promet dobara i usluga, pod uslovom da se vrše u skladu s propisima kojima je regulirana ta oblast;
5. usluge iz oblasti sporta i fizičkog vaspitanja, a koje pojedincima pružaju lica čija djelatnost nije usmjerena ka sticanju dobiti;
6. usluge lica koje angažiraju vjerske organizacije ili filozofska udruženja za obavljanja djelatnosti u tač. 2.-4. ovog člana;
7. promet dobara i usluga koje su neposredno povezane s vjerskim obredima, a koje vrše registrirane vjerske organizacije, u skladu s propisima kojima je regulirano obavljanje te djelatnosti;
8. promet dobara i usluga koje su direktno povezane sa uslugama koje pružaju političke, sindikalne, humanitarne, dobrotvorne, invalidske i slične organizacije svojim članovima za članarinu, u skladu s propisima kojima su regulirane te djelatnosti, pod uslovom da takva oslobađanja ne dovode do poremećaja konkurencije na tržištu;
9. usluge iz oblasti kulture, uključujući i karte za kulturne manifestacije, kao i s njima neposredno povezani promet dobara i usluga, a koje lica čija djelatnost nije usmjerena ka sticanju dobiti vrše u skladu s propisima kojima je regulirana oblast kulture;
10. promet dobara i usluga koji vrše lica čije su djelatnosti oslobođene prema tač. 2. i 9. ovog člana, pod uslovom da je takav promet izvršen isključivo za njihove vlastite potrebe i pod uslovom da takva oslobađanja ne dovode do poremećaja u konkurenciji;
11. usluge javnih radio i televizijskih servisa, osim onih koje su komercijalnog karaktera.